


Jekabaara




Cikela ceman n'a musoman kunnafoniseben

a be bo kalo o kalo

Jamana baarada la BP: 2043 Bamako (Mali)

Baganmara joyoré ka bon Mali kono kosebe

pe 3 nan



Dantigelikan : ninan marisikalo tile 8 gintanw kera...

I na fo a be ke san o san
dijne jamana yemaheré-
nyalen bee kono cogo min,
naamu lotilenna ninan ma-
risikalo tile 8 gintanw taa-
bolo fana siratge la. Bolofa
yere séréla ninan ta kan, kó
sababu ke a kéra jamalaje
"defileba" ye. Jlinan marisi-
kalo tile 8 gintanw tun be ce
ni muso ka nágonda fa
demewalew de kadara kono
walasa ka séró sabati
dijenatige kono. O wale
kolo girin yere kundara to-
godala musow ka bolodon-
baarala kuntilenna kan, ni
feerew tigeli lajini ye u ka
baaraminenw laséréli kan-

ma (sari ; misiw ; dannima-
siw...)

Marisikalo tile 8 gintanw
ka kan ka ke dere ka da mu-
sow joyoré kan du bee ka sa-
bati la dije fan bee fe. Nka,
ka ke ko ninan san gelenba
in de kéra a ko gintan lawa-
rali san ye fana, o de be
mégé nisengoya a la doénin
: sugu kono feerefén bee
səngə yelenne, ; malo ni ja
fo sukaro, "n te san" da bá
bee kan. Awa, nafolo te ka
séró. Fen min ye an ka
senefen nafolo dontaw ye, i
ndé fo kóri, ngalama bolu
taabolo kan. Bi bi in na, sira
bee fe, dijné geléya

dankenenemayalen be. Hali
nburu, o səngə yelenne,
kuma te tajiw ma. Tijé don,
musow togolako si man kan
ka bolokofemine. Olu de ye
du sindiw ye. Jamana kolo
səmew don. N'ka, an ka aén
ko sugu kónofenw səngə
yelenne don muso min ka
nasantasa séró ni san ce, a
ka gelen o ka taa tegere
sébekoréfe jenaje kéné kan
de ! cogodi a be se kó ke ka
séró a be ká yere nininkan
na : "jenajekene in kófe ne
ce ni n denw be na bi dumu-
niko ke cogodi ?"

Tuman Yalam Sidibe

Mali kōribara
taabolo kunkanko
be ka wolo geléya
la ka ban

pe 5 nan

Muso ntolatan
lahala Mali kono

pe 10 nan

Mali kalanko
bilama be cogo di ?


pe 6 nan

Nsirin : Falato
Mamari ka maana

pe 12 nan

"Kalan be mágé són hakili la, nka kunnafoni be mágé bo kunpan na" Yére Ulen Sidibe

An ka njogon kan fo



Hamidu Konate

Dijesosigi be nin cogo de la kabi a dara masa Ala fe. Yoro o yoro, jamana o jamana kono ; sigida o sigida kono ; ga o ga kono, ni adamadenw ye njogon kan fo yoro min, ka ben kelen ma, yiriwa be ke yen si-ratege bee la hali n'o be ke geleya kan. Nka, fognegonkoya kono, hali ni yenkaw sigideben ye sanu moono defelen de ye, n'u ma bo o lahala kan, u ka kolaban be ke mone takise de kan dere ! Dijes ko barikama bee sinsinnen don a kunkanmogow de ni gogon ce benkola kan. O kanma, kabi lawale la, an ka mogokorobaw y'o tijekuma saarada kumasen kelen kono : "kono jelen de be bii fo, nka konojin kelen wulikan te dower fo "pee k'o !" o yere de koson fana an ka

maakorow b'a fo kabi lawale la ko : "Nafolo mugu folo min be sigida jama mogeo bee bolo, o y'u ka benkola de ye" N'an ye kolosili ke, an be t'a soroko dijies nafa jiniyoro si te netaa di adamadenw ma benkola ko: damandaw ; kenyereye baara-daw ani forobabaaradaw ; sugu tigilamogow... fo ka se jenajeyorow ma, nin kenew bee ka wasa da adamadenw kan, a te jesoro njogonkanfo ko. Gaw kono dun ? O y'a tigitiye ! yoro man di "sitane" ye ka fitine mayorow bo Fitine yere ye Sitane senkanw de ye mogow n'u ka nafa bonda ce dijies daamuyoro da bee la. Kale to yen, jama be here yoro jini de, nka u ne te da a kan abada. Sanni an ka siran ko o ko ne forow kono ; duw kono ; sigidaw kono, an ka nejini ke an ni njogon ce njogonkanfo la. N'o kera, sigi be diya an bolo i ko "ji soli ka min".

Hamidu Konate

Jamana baarada jemaa

Desebagato

Dijes jamana bee kono ;
Dijes desenyerekoro
Ye mogeo desebagato de ye.
Desebagatoya
Dun ye banyerelako de ye,
Nante
Sebe dusulamogeo
Bee na ka soroda don.
Ni bana jugu de ye jugu ye,
An k'a don
Ko hali taa ne dusu
Be bana jugu tigilamogeo
Bila konjenini na
A berema sira kan.
Senyerekoro de ye
Ce horen bee ka lajini ye.
O de koson
Fugari farikolo keneman
Be mogeo fe mogoya la yoro
de la,
Banabaat de yere
Dayirime jini na yen !
O kanma, desebagatoya te
dakan ye
Nka jogo kuntilenna dan-
ma don.

Tumani Yalam Sidibe

Hakiliseneken

Dijes kono, kemogofe yerelabila te kun ye, barisa labankan kelenpe min b'a la, a meen o meen, o de ye tomogekan ye. An kana den jo abada k'a ko sin an yere ma !

Tumani Yalam Sidibe




Baganmara jɔyɔrɔ Mali kɔnɔ

Jekabarra boko temenen kɔnɔ, an ye bulonda də dayelen aw ye ka nesin Mali kɔnɔ ladala nafa soro-daw ma. O jemukan fɔlɔ kɔnɔ an kumana mɔnni jada kan Mali kɔnɔ.

Ninsen in na, an be taa je ni bulonda in kadara jemukan were ye, n'o be tali ke baganmara kan. Baganmara min y'an ka jamana fan bee ko ye sira fɔlɔ fe, n'o ye bagantigiya kanu ye. Awa, sira were fe, min be baganw bila nafolo lahala kɔnɔ, Mali jamanaden fanba fana kunkanko y'b ye : fulaw, surakaw ka se burudamew ma.

Sira fɔlɔ : Bagantigiya ye ladala kanuko ye : o siratege de la Mali mara bee kɔnɔ, kà ta Kayi fo Kidal, bee ye bagan hakenintigi ye. Sene keko juman te je sɔrɔ baganw kɔ (misiw, senekeeminew samanni kanma) ani bagan misenw ladala makonjekow bɔli kanma u sira fe : sɔnni, san jenajew, furusiraw ani nɔgɔnbonjesiraw nɔfeko kanma. N'an ko bagan misenw, an kan be sagaw ni baw de ma. Mali sigida mara bee kɔnɔ, hali ni fɔlɔ be ke ka poron sew de kari dunanbaw faana dumini naboto kanma, an k'a dɔn k'o be ke ka sagajigi de kanjɔli ma kɔnɔn. An ka duguw bee kɔnɔ, cikela daba jana te wasa fo n'a y'a sɔrɔ a b'a ka balo jiginebaw jira yɔrɔ min na, a b'a bolo jesin a ka bagan kunba were n'a ka bagan misen were fana ma ni muguri ye. Awa, tanga fana yangalen b'ale kan haali sigida mɔgɔ tɔw fe. O be cogo min na bamaanna, o b'o cogo kelen na kaa dɔla, marakala, maninkala, kɔrɔ bɔrɔla, dafinna... Bagan te nafoloko ye, barisa ca were b'a je : sene, jago, donsonya... Nka danbeko don dere. O yere de kanma, Numɔri Mariko y'a jira an na ko : "Anw bara Kɔlɔnjeba yan baganko ni nafolomuguko, nafafɛn filako



don minnu kelen kelen bee n'u jɔda don. Bagan ye kenekan nafolo de ye min nafa jɔnjɔn te sɔrɔ nafolomuguko la f'i ka se nafolomugutigi lakika ma. Nka, dijenatige makonjera jɔnjɔn bee fana na, an ka adamadenya taabolo kɔnɔ, nafolomugutigi de fana be t'a yere makasi bagantigi senkɔrɔ dere".

Numɔri Mariko ka kɔrɔfɔ n'a tijé be nɔgɔn kɔnɔ dere. Mali jamana senekeyɔrɔ lakɔdɔnnen bee kɔnɔ, baganmara de be cikela kunkɔrɔta. Awa, hali n'an donna an ka ladala jenajew kɔnɔ, an be t'a sɔrɔ ko bamaanan "furaci" si te sebɛko mine fan si kasɔrɔ "badɛgɛ" sogo te dunanw ka faana basi sanfe. Hali bamaanna cebilence foliw ka fara a ngusun fɔliw kan, hali ni sogo were yera kene kan i be t'a sɔrɔ o labugunna haali ni ba geren sogo ye, walima sagajigi sogo. Kabi Maliko kɔni be senna, ka kɔn Sunjataile je fo bi, bagantigiya la jini ma ke bolokɔfeko ye waati si. O yere de siratege la Burama Togolai y'a fɔ an ye ko :"Adamadenya sindi bee be tali ke furu nɔgɔnya de la. Maa si

dun t'i bolo don i diya jɛbaa musoman kamankɔrɔ je si ma ka sɔrɔ misiba n'a den ma dantige furunafolo kan, hali n'o be to juruya bolo kan".

Bagantigiya nafa də fana ye nɔnɔko ye. Hali n'o n'o be ben daraka seri sankɔrɔtali danma ma, ka bɔ "serijeya" la. O yere de kada-ra kɔnɔ, Misa Banbera Tangara ko n ye Buguni ko : "Karamɔgɔ Sidibe, a dɔn dere ko hali cikela bagantigi ni cikela baganntanw ka diya sɔrɔ cogo te kelen ye seriminien kunna !".

Nin kumaw bee b'a jira ko hali ni bagan te nafolomugu ye cikedagaw kɔnɔ, bamaanna kala saba bandanda don kɔni : jenekala, daba-kala, turabukala (bolonkɔni).

Sira filan : Bagan ye nafolomugu ye.

O b'ani ka siya kerɛnkerɛnnew de kofɔ minnu ka dijenatige baara keta tɔw bee be na baganko de kofɛ. Olu de ye wərətigibaw ye : misiwere, bagan misen kolonsonwere, hali kɔnɔsogonin were, n'an donna kɔrɔnfeyɔrɔw la ; Kida-

A tɔ be je 4 kan

je 3 nan to

li, Tumutu. Nka, k'a ta Məti mara la, ka don fo Kidali ni Tumutu maraw kənə, an bə taa misi keme fo ba fila ni kə weretigiw sərə yen. O ye dabaw ye, ka sərə jatehake te bagan misenw la. O ye fulaw ni burudamə ni surakaw ko ye kerenerennnya la.

Baganmara ye Mali sərəda kumbabaw də ye

Kabi tubabutile, Mali jamana kənə sərəda lakodənnən benna naani mā : sene, baganmara, mənni ani bololabaara, hali ni kungo nafabə be jate o serekulu kənə. O yere de kanma, kabi an ka jamana ya ka yeremahərənya ta fo ka se bi ma, gəferenama si ma sigi fangabolo (erepibili) si kənə min ma sene, baganmara, mənni ani bololabaaraw setigida dayəleyen. I nə fə an da serə ma cogo min sanfə, bagan jəyərə be an ka jamana kənə siya bəe ka dijenatige sinsin-

daw la : sarakabə, furusiraw ni san jənajew, dakanbə, jigiya taabolo jəgənbonjəsiraw...

Koroma Kumare ka kuma tə wa ka bə Kolokani ? A ko : "Mali kənə yan, bagantigi de ye tonaji dumantigi ye. Ale de bə semebaw suusu ka bə kolokenebaw kənə, kbə k'a yere ninlahine. Awa, bagantigi ye nafolotigi ye i n'a fə sanutigi. Hali ni nafolomugu dalen t'a tən kərə, a kəni n'a yərə man jan don si, waati si, je si ma !".

Yali faliw ni sow lahala bə di ?

Moriba Sanu y'o jaabi d'an ma Buguni dəre. A ko an ye ko : "bagankō jate la, an tə dan misiw ni sagaw ni baw ma. Nka, an be tali ke sow fana ni faliw jate kan, fo ka se lew ma. Ninnu bəe n'u ka nafa doncogo don an kun. N'an donna cike dakun yere la, an be t'a sərə ko: misidaba bə yen, sodaba fana bə yen, fo ka se falidabanin ma. Awa jagoko siratege la, misiw ni

sagaw ni baw ani faliw ni sow, a bəe sanbagaw bə yen. Baganko kəni ye səgəsəgə de ye, o min na bəne te ! N'i ma fən də tu, i be fən də lakunu !

Kələsili ; Nin yərə in ma, an da ma se jolomafenw ma, kami ; sə ani tənkənə, k'a sababu ke olu bə jote du lahine fenw de fe negela siratege la, hali ni waati ni waati, an b'u hakeninw doni ka sigida suguw segere na səngəko kanma. Sew ni kamiw ni tənkənəw kəni te jate baganw fe. An k'u ma ko : kamanmafənw...

Bəko nata kənə an bəna taa je ni jemukan in ye ka jəsin bololabaara ma, ni Ala sənna. Sanni o ce an b'a jini aw fe aw fana k'aw hakilinataw ke bataki ye k'a ci an ma nin aderesi la : Jekabaara kunnafonisebə, Koperatifu Jamana BP 2043 - Bamako.

Tumani Yalam Sidibe

Denmisenw ka yeremabila ju ye, baarako geleya ye wa ?

Məgə be fen o fen ke, o de ka gelən i ma, sanko n'i b'i dahimə sərə a la.

O de kosən, an ka kan k'a jini tuma bəe ka baara ke.

Tungafetaa, yeremabila, fugariya ni karapiliya minnu kəlen don denmisenw taabolo ye o ka dabila pewu.

Masaw ka denw don fenw la, fen minnu ye, dijenatige Sabatilisiraw ye. Bi-bi in na jəmawodoma kə, məgə te se k'a fə ko baara te jamana kənə.

Bee te se ka ke gəferenama baarakela ye, bee te se ka ke birokənəbaarakela ye fana. Məgə o məgə, n'i y'i sigi n'a hakilina ye, ko baara te jamana kənə, i y'i yere bila kə. I b'a faamuya tuma o tuma, o b'a sərə təw sera yərə jan.

Baara ma bə baara la, baara man fisə baara ye, kə də kan baara

bəe kəkun ye wasako ye, sərə siratege la.

An bə tile ka jabaranin laje baaraw minnu te ba la yan. O baaraw sərə de bə məgəw nimisi wasa, i n'a fə ;

Sənekə, baganladon, mənni, nakəbaaraw sumansiw matarafacogo, o n'a jəgən na caman gəferenama ani demedon jekuluw ye feəre caman tige walasa baara ninnu bəe kəcogo be yelema cogo min na k'u ben hadamaden senkan ma.

Məgəw ka teli cogo min sisan, baara ani baarakeminew ka kan ka labən cogo la, cogo min te məgə bila nafolo tijə la, nka n'u be məgə nimisi wasa sərə siratege la, walasa jamana ka kunkərəta ka yiriwa.

Ninnu bəe lajəlen kə, a be se ka fə ko baara te jamana kənə fiyewu ?

Jamana jəməa ka cesiri baara-

tanya keleli la, ni sənəkəminew ye, o ma dogo məgə si la (tarakiteriw)

Cew ye də sərə, musow ye də sərə. O ye wale ye, min be o Baarakayərəko sementiya jamana kənə. Ofisi iri.

Ofisi nizeri moloseneyərə labili denmisenw ye, dəmə kənə, min b'a sərəli nəgəya u ye. O fana ye wale ye, min ka kan k'a to denmisenw ka yeremabila ani fugariya dabila, k'u jəsin baara ma.

Baara be jamana in kənə hali o te dəse. Ala n'i gəferenama sababu la, ani dəmə donjekuluw.


Ladilikan min be ne bolo ka fə denmisenw ye, o ye : "baara lakolon te yen, məgə lakolon de bə yen." Denmisenw ka yeremabila wale dabila k'u jəsin baara ma, baara de bə mənə bə məgə la.

**Karaməgə Isa Berite
Misabugu santiri**

Mali kɔɔribaara taabolo kunkanko bε ka wolo gelya la ka ban

Mali kɔɔribaara taabolo CMDT ma bila kenyereye ka bolo kan fɔlo pewu, nka gelyaw bε ka kunbø ka ban. O gelya dø ye jurutigi julaw ni bankiw ka wulikajø ye u ka jurumanitigiw nøfe ka ban. Awa, hali sigijøgøn kunda, møgøw wulilen bε nøgøn nøfe gundo ni kene kan, CMDT maraw bε kønø kosa in na yere, kabi cikelaw y'a men ko Mali kɔɔri kɔɔkanfeereta minenen don juruko siratege la kɔdøwari pøruda la (gejida), o ye dø de fara Mali kɔɔrisenew ka hamikan ka nesin u ka siniko lahala ma. Bεe be kà yere nininka nin cogo la : "cogo di Mali kɔɔri bε se ka don kunbalan na kɔdøwarikaw fe juruko kanma hali sanganin kønø ?... Nin ye nininkali ye Mali kɔɔrisenew fanba be min k'a yere la, ka sørø a ma jaabi sørø a la a yere kønø. O temenen kø, anw kɔɔrisenew ban yere nininkala fana ni "CMDT børa Mali goferenama ka bolo kan k'a bila kenyereye ka bolo kan, cogo di kɔɔrisenew raw jøyøro bε se ka to senna Mali jamana kønø dunkafako la. Bi, wale bεe b'a jira ko ni CMDT y'i senbø Mali kɔɔrisenew bilasiraliko la, barika køni be bø sumansene na kɔɔrisene ye, walima barika be bø kɔɔrisene na sumansene ye. O k'i tige ka bø a la, hali fñ min ye cikelaw bilasirali kalansenw ye, cogo di kenyereye min bena ninjøjini danma kanma o be se k'o k'a kunkørøko ye ?

Mali dun ka danbe te ko were la ka teme sene kan. An b'a jini Mali nemaaw fe u ka wuli k'u jø ka kɔɔrisenew deme siratege



Ni goferenama ma wulikajø ke kɔɔriko la, cikela caman dayirime de be bøne sørø !

bεe la. Bankiw k'a døn ko kɔɔrisenew jigelafen were te nafoloko siratege la ka teme kɔɔri tønø nako numan kan Julaw fana k'o døn. O kosøn, Mali kønø yan, a man kan je si ma lebuko ka lase cikela ma juruko la. Kabi CMDT bε sen kan fo bi, kɔɔrisenew, ni bankiw, ni julaw de kera wagati bεe nøgøn faale ani nøgøn geese ye : "BIM-SA" b'o la ; BNDA b'o la ; kafo jiginew b'o la. N'i y'a ye gelyaw bε kunbø o siratege la bi, o kørø ye ko ko kura de donna kow taabolo la an bεe ka kan ka je ka min furu jønjøn jini nøgøn fe, ni fasoden numanya hakilina ye ko bεe sanfe. Mali kɔɔriko bilalama b'i ko geere kurabø de. O dun te taa je si ma kunkolodimi kø, hali n'o be dan dørønpe ma. Ne b'a jini Mali kɔɔrisenew n'u ka ladala jønøgøn w bø fe, an bεe ka hakili sørø ka gelya waatinin in latemé ka sørø an ma jø nøgøn lebu kan, ka sørø an ma jø nøgøn bolofenw silatu-


nuko jugu kan. Hali ni CMDT kera bilafen ye kenyereye ka bolo kan yere, an k'a don kø be ke baara taaboloseben dø de labennen kø, ninen tena ke fan si kø min kønø : Mali jamana ; CMDT ; kɔɔrisenew ; bankiw ; julaw. N dalen b'a la fana ko, ka da kɔɔri jøyøro kan Mali cikela fanba ka dijenatigø la, an ka jamana nemaaw ten'a ko to sifileko numanbali ye, min b'a to kɔɔrisene bε to senna an ka jamana kønø yan. Ni goferenama dun y'i jø a jøyøro la, kɔɔrisene te se ka ke seginkøko ye Mali kønø je si ma ka d'a kan a donna an ka dijenatigø jogo la. Ne dalen b'a la ko san tan caman ninan kø, kɔɔri bε cikelaw nafa Mali kønø yan i ko suman ; i ko jiriforo ; i ko kungojiriw... Ala ka to an køkørø ka feere di jamana nemaaw ma min b'a to u bε kɔɔrisene ka tonsennasira jønsenw bø.

Mamuru Sanogo
Ka bø Buguni (Sikaso)

Mali kalanko bilama...

An bë waati min na i ko bi, mëgô be se k'i yere ninika n'a y'a soro Mali kalanko kundalen te dankungo kene de kan. K'a ta cemance kalansow la, ka t'a kunce sannayelen kalansow la, waati man di nin si kono. Kalan te kela. Awa, ka da ninyoropini kan, karamogow kodonnen be kalansow ma. Yali u bu jo fe wa ? Yali u t'u jo fe wa ? Ninnu ye nininkaliw ye nin jemukan in kuntilenna te jaabi dili ye minnu ma. Nka, a kafisa malidenw ka hine jogon na dere ! Ka jamana mume ka sini nafa lakanani sankorota yerekun nafa ni san ce. A man kan an maliden kelen si k'a don ko Mali denmisén kelenpe

te denmisénw la. Olu minnu bolo ma don ko si la fana. Awa, denmisén o denmisén ka kalanko be don kunpan na nin cogo in na, o be ke sababu ye ka jigi latige dijé na de kun da o masaw kan. Mali kalanko setigiw (minisiriw), ka fara Mali ministrijiemaa kan, u ka don tuma sera sa de. U ka wuli k'u jo san 2008 kana ke falaki san ye, Mali kalanko la. N dalen b'a la k'u be se doni in koro, a junko juman far'a jiginko juman kan, ka teme a tako juman sira fe. An k'an banban ka Mali ka yereye jemukan k'an ta ye nin yoro in na : faso kelen ; kuntilenna kelen ; janiya kelen. Anw lakoliko kunkanmög-



ka keta danma bennen be faso don o don bulondalasigi ma, k'o sabu ke kalanyoro geleya ye, i na fo an ne b'a la cogo min na bi. An k'a don ko ko si finen

ow bee, ce ni muso, ka fara lakolidenmasaw kan, an bee k'an fanga ke kelen ye ka deme don Mali kalanko ma.

Tumani Yalam Sidibe

U ko...

Djenatige kono, kun te ko fila de la : koba tigintan ; komin tigi caman !

Karamogô Dapô
Dennikalaba ka bo
Mañanbugu Bamako.

Dijé be geleya min kono bi, sanko Bamakokaw, dayirime te soro a nema ; dunkasa te du fanba kono, k'a fo ko jamana nemaaw t'o jate, nka feti de be ke ten, ka jamalaje jenajew ke i na fo marisikalo tile 8 ginton lawaralenw, o be mëgô ja si ran Mali siniko la dere !

Burulayi Kamisoko
Ka bo Mañanbugu Bamako

Ko : "ni mëgô wolora sa la, i b'a siri i ce ma". O t'a fofoni lahala ye dere ! N'i wolora sa jugu la, o ye dimikoba fila ye min kelen kelen bee ye monebôbali ye : e te se k'a faga, barisa i den don, ale be cin k'i faga, sabu la miirtanya ni hinertanya ye jogon soro ale la !"

Musitafa Berete
Ka bo kolonjeba (Sikasso)

Ko : "Adamaden te ku bo". Nkalonkuma dere ! Adamaden be ku bo fo dijé lamini ku. Den jugu de ye adamaden ku ye dere. Nka, den jugu nafantan fana y'a ku jan ye.

Mamadi Sidibe Ka bo
Goro Biriko kita (Kayi mara)

Jigiyakoba dere ! Den juman be soro muso juman de la Aa ! jigiyaba !

Naren Sanu Keyita
Ka bo kangaba

An k'an janto denmisew ka kenya la (tigeda filanan)

Boko remenen keno, n da sera denmisew lakana taabolo ma ka bø funteni ni fijebana nasiraw ma. Nin yøro inna, n be taa ne n'o jemukan to ye, min bøna ñesin denmisew farila joliw ma, a kunbabaw n'a misenmaw. An k'a døn ko joli de ye banakisë donda kanunen ye an farikolo keno, kuma te joli ñøgølen furakëbaliw ma. Jañapi banakisew y'olu la kumbaba døw ye. Ni joli misenw be den na, an kanan ne ci a kan ne si ma ko denmisanya lakow don. Joli te maaya waati si ladalako ye. Hali ni joli misenw be den na, ñan m'a kølos, na ye ji basigilendaw k'a koyørow ye an k'a bali, nonte, ji kønofenw juguw be yen i ko nirigitiw, niirimørøw, kote misenw... minnu be se ka maasiba lase a ma. Hali dimøgøw yere fana jøda be denmisen fari keno joliw dimi warawaati la a tigilamøgøw kan.

Den ka di. A sogo ko te, nk'a tønø de ko don. Den keneman de dun ye den tønøma ye, barisa a b'a yere ka denmisanya diyabo n'a yere yeli ye a filanjøgøn ka tulonkekenenw kan, ani ka denko mone bo haali a bangebagaw la. Farila joliw dun furakëbali be seka ke sababu ye ka denmisen bali olu be la.

A dun ka c'a la, jolifura du manw b'an ka ladalafuraw la. A kera ladala jolifuraw ye wo, a kera alikoli ni merikirøkorømu ye wo, ani døwerew. An koni wa-

jibiyalen don an k'an janto an ka denmisew farilajoliw la. Sanga ni waati bøe, an b'u ko k'u je, ka fura mun u la, ani k'u siri ni "bandi"jelen ye, walasa k'u ñemadogon dimøgøw ni ñøgø jugu, ani fijø juguw ka jangatanw ma.

Joli misenw be denmisen farikolo yøro bøe lasøro. Nk'a gelènmanba dø ye senkøni fara wulita ye, ni dø k'o ma ko ketekun. Kolo tugundaw fana kan joliw ladonko jugu bønø ni geleya ye den ka dijenatige la, i ndø fø senkuru kan joliw. Fen kelenpe min køni be se ka fø joliko la, o de ye k'ale te se ka bolodan ke abada kasøro ñinen ma k'a k'a kelenwaati berebere la. An k'a døn ko : k'a bø kelebe la, joli si daminewaati kkøleko juman ts se ka bolo dan ke. Kelebe de køni

ye bana jugu fijebøda ye, i n'a fo kenya tigilamøgøw yere ba fo cogo min, min keleli te ne soro joona a bana sun yere keleli kofurakeli senfe. Nin yøro in na, an bøna jemukan kuncé ni "Arawuli Folero" tøgøla følikelaw ka kumassen kørømaba ye. A kafisa, kerènkerènnena la, nin joli kunda kene in kan, an k'a fo k'a ke hakilijagabøfen ye Jøkabaara kalanbagaw bolo :

"Bana ye jugu ye,
A be furake !
Bana jugu ye jugu ye,
A be furake !"

Joli ye baasi ye a danmateme ninønbole de kan. An k'an janto an farilajoliw la, kuma te denmisew fanfela ma, o be don jan fura san musaka kun bo an kan.

Tumani Yalam Sidibe

Yali an be nin kalama wa ?

Jin ye fënba ye adamaden ka dijenatige taabolo la, ka d'a kan farikolo sindibaw nørølen bøle de la : hakili ni pasa gelèn. O kanma, møgø min darøjin, 32 dafalen b'a da kenya la, a ka c'a la, o tigi ni ceyabana . hakili - lagosi ani ne ka yeli maana-døgøya be ñøgøn sørø ka caya. Kosa in na yere, lameriken døgøtørøba døw ya jira ko tuma o tuma, ni møgø darøjin kelen binna, o ya ka hakili fanga da ratijennen ye. O kanma, darøjin caman binni be na ni hakili døgøyaba ye møgø ma. An k'an jinw ladon, k'u tøpøtø walasa an be an ka møgøya ke n'u keneman ye an da. O gansan ye maakørbaya temesira juman jøkolo dø ye an bolo. An k'a døn ko nin nafa dan te yeleñinko nasira dawula gansan ye an da, walima an ka kanu dumunifew dunko juman. An farikolo kenya lahlabø dø temesira y'u ye.

Ka bo "Enterineti" (sitiyahoo) kan, k'a dafa kodonbagaw ka fokan na.

Tuya Sidi

Jekabaara ye cikelaw bilasiraseben kolo girin ye

Ne ye cikela ye ka bə Koro so-bala. N ye balikukalan ke k'a tiime kabi san 1979 waatiw la. O y'a sərə operasən arasidi tigasene baarada de bə San mara kəno cikelaw degenko juman kamma sene kəko juman na. Operasən arasidi tun sinsinnen be senefen minnu kan, o tun ye tigasene ni sumansene ye. Nka kəorisene baarada "CMDT" ni malosene baarada fanta tun be yen. Kabi o waati la, san balikukalanden jolenw tun be kunnafonisebenw sərə k'u kalan, i n'a fə kibaru ni jekabaara. Awa gafew tun be lase an ma i n'a fə tigasene ; malosene ; kəorisene... k'a ta san 1979 la ka na se bi ma, anw ka dugu ye siraba bə kalanko siratege la, o min kera sababu ye k'a to an sen ka don duguyiriwatənko la, i n'a fə kopera-tif.

Kalo caman jekabaara nimorəw maralen be ne bolo ka d'a nafa kan. O kanma, k'an to balikukalanka-raməgəw ka kalan kene kan Segu, an ye jekabaara bəko temenen sərə o kəno, k'a kalan. Fen min ye mənni lahala ye Mali kəno, o jemukan ye ne wasa kosebe, ka d'a nafa kan. Nka, ne tun b'a fe karaməgə Tumani Yalam Sidibe ka kuma lahala min kan kosebe, o tun ye Jene mara məgəw jəyərə kerənkerennen ye mənniko la Mali kəno yan, ani joro ani masina. I n'a fə Tumani yalam Sidibe b'a fo cogo min, mənni y'an ka jamana mara fanba kuntilenna ye. Nk'an k'a dən fana ko mənni ye mara kerənkerennen dəw de fana taabolo bərebəre ye.

Jekabaara ye kunnafoniseben ye min b'a kalanbaga nafa kalan sira bəe kan. O kosən, anw bolo yere kallangafe t'a bə Mali kəno yan. Jemukan dəw be yen i ko : fasoko taabo-

lo ; farikolo kəneya ; farikolojenaje, minnu kalanni k'a faamuya, o be sigida mumə bəe nafa. Fen min ye : ka se duguw ma jemukanw ye, olu kənəkow b'an bə dije kunnafoni gelenw caman kalama. O ye həre ye.

N be segin mənni lahala jemukan kan. O masalabolo kəno, ne ye jəgə caman təgə dən Tipe don, mənni ye kərəlenko ye Mali kəno yan. O kosən, hali səmənə jeli caman ka dənkiliw kəno, i n'a fə Mamu Cero, an be kaaba ni figira səmənədenw komən waati bəe. Kərəlenko nasira yere fe fana, an be se k'a fə ko Mali mənniko taabolo gun-do barikamaw ka ca Meru Ba ka səmədenw dusudon dənkiliw kəno ka caya. Ne be min nəfə ka fara fəlenw kan karaməgə Tumani Yalam Sidibe fe, o de a ka jəpini ke ka taa jə walasa ka jilafen werew nafa fə an ye, i n'a fə kətəw ; dodow ; nərəngiti... Yali u nafa dan ye ji kənəfenw sicayali gansan ye wa walima jəda werə b'u la, i n'a fə adamaden ka baloko siratege la ?

N ka foli be ka jəsin Tumani Yalam Sidibe n'a jəjəgənw bəe ye u

ka baara juman kosən. Bi bi in na, jekabaara nafa bə Mali kəno kosebe.

Ba Moriba Dawo koro sobalaka don, nk'a sigilen bə Tamani

Ka se Ba Moriba Dawo ma

I ka bataki in y'dan diyə ani k'an wasa dəre ! e min ko k'i be jekabaara jəyərə lakodənbagaw hake la Mali kəno. O diyara an ye kosebe. Fen min ye i ka kunnafoni nininen ye, n'o be tali ke ji kənəfen ninma werew nafa la, i n'a fə kətəw ; nərəngiti ; dodo ani dəwərew yere, ni Ala sənna, an bəna wulikajə ke sənnin k'o jəpini e ni jekabaara kalanbaga təw kunnafoni kanma. Sanni o waati ce, n'b'a jəpini i fe i ka nin boko in yere fana kalan kojuman. Fen min ye baganmara lahala ye Mali kəno, o kunnafoni fana b'i wasa. Kunnafoni nəfama caman fana b'a kəno, i n'a fə e yere ka bataki in, min be məgəw nimisiwasa haali. Awa k'an ben n'i ka bilasirali bataki were ye !

Tumani Yalam Sidibe



Npogotigininw ka furujoona ma ji dərə !



Furu ye ko barikama ye, nka muso si selen de fana b'a diyabə !

Walejnumandən ka jəsin jekabaara ma. Jekabaara baarakelaw, ne baw fo, ka segin k'aw fo. Aw ni baara juman ka jəsin bamanankan menbagaw ma, minnu bə Mali kənə, ani minnu bə Mali kə kan. Aw be hakilinan juman minnu səben aw ka gafew kənə, ni bamanankan mennna olu sera k'olu kalan, k'u jəfə mögötəw ye, ne hakili la, faamuya bə na jamana kənə.

Masala də bəra jekabaara temenen də kənə, min bə Kayi mara mögə dəw ka den musomaninw ka furujoona kan, o ye ne nimisiwasa kosebə. Wa, ne b'a fe ka n hakilinata fara a kan. Ne b'a fe k'a jira k'o te kayi mara dərən ye. Mali yərə caman de kənə, npogotigiw bə furu u si san tan ni kelen walima u si san tan ni fila ni Ala y'a ke u ye garisəge sərə joona,

a caman bə sa sanni kənəbara ka kalo wolonwula walima kalo seegin sərə. O bə sərə min fe, muso wolonugu ani den marayərə n'a bəsira si ma kəgə fələ ka s'a dan na. O bə i n'a fə n'i ye jəkise kilo keme ta, k'i b'o ke kilo bi duuru bəre kənə diyagoya la. N'i y'o ke cogo o cogo, bəre be fara. O de ye saya ye.

• N'a minnu dun kənəbara sera jiginni ma, fanga te ke a dəw la k'u təntən walasa den bə se ka bə. O la sa, ni Ala ma deme ke, den bə sa, denba yere bə se sa.

Dəw fana bə yen, olu təntən, denmaraso ni den temesira bəe be ci, ka den poyi k'a bila kəne kan. O b'a sərə den maraso ni den bəsira bəe mana bannen don, diyagoya saman fe, k'u magaya kosebə. O caman na den bə balo, nka,

denba joli caman bə bə, ni naansaraw b'a fə o ma ko : "emorazi". Ni Ala ye deme ke, kalali bə o dəw lajə. Nəntə, a caman fana laban ye saya ye.

Nin ko suguyaw de b'a to an b'a fə ko musomanin ka furujoona ma ji. Siya minnu b'a ke, n'u sera ka ladilikan ninnu lamen, u b'u denw tənə dun ; k'u məden caman ye, sanni u yerew sadon cə.

Ne bə haketo jini aw fe, barisa ne ka səbenni ma jəya kosebə. Ni n donnen don mögə min gaasi la fana, o ka haketo. Aw k'an ben tuma wərə

Bi, marisikalo tile 10, san ba fila ani seegin.

**Bandara Sakiliba
Ka bə Bamako
Hipodōrəmu kin na**

**Bonya masegin ka se
Bandara Sakiliba ma.**

I ka bataki in ye anw nimisiwasa haali ka masərə a yere y'a danma kalanbulon da ye. I ye kasaara minnu bəe fə minnu nərəlen don musomaninw ka furujoona na, an hakili la, o kelen kelen bəe bəna denmusow ka furujoona ko bə a kebaga denmasaw kənə. Den ka di dere. Nk'a ladonko juman ko don. Bandara Sakiliba, an b'a kanu i ka bataki citaw ka caya an ma de !

Jekabaara səben jekulu


Mali muso -ntolatantōn bē ye musolakan ka ntolatan kupudafriki kene kan

Mali bē ye Afriki musolakaw ka kupudafriki kene kan Gine Ekiwatoriyalı, san 2008 nowanburukalo la.

Kabi san wəərə jinan, musolakaw ka ntolatantōnw təgə la kupudafriki bē sen na. Jinan san 2008 nowanburukalo la, a kunben bē ke sababu ye ka Afriki musolaka ntolatantōn ḥanaw ke ka nəgən lasərə Gine Ekuwatoriyalı kənə. O kupudafriki kene taabagatōn de jinini kadara kənə, cəbə jini ntolatantōnw kəgə dara nəgən na Afriki jamaw kənə. O siratege de la, Mali musolakaw ni Lagine Konakiri musolakaw ye kunben taakasegin ke.

San 2008 Feburuyekalo tile 24, u ka kunben taako fələ kera Lagine faaba kənə, Konakiri. O ma tulutige dərə ! Mali musolakaw ye Laginekaw dasi o taako fələ la ni kuru seegin ni fu ye ! O taabolo fələ kəmasegin kera Bamako ntolatankene Modibo Keyita la san 2008 marisikalo tile 8, ka ben musow ka donba ma. O taako filanan kera kene ye Mali musolakaw yā jira min kene kan k'ū ka taako fələ sebagaya sərəli ma ke bennsenmako ye. U ye Laginekaw dasi kokura, hali nō se-hake ma fələ ta hake sərə. Sanga 90 kənə, Mali musolakaw ye Laginekaw dasi kuru saba ni gansan. Awa o kurudonw daminenä kabi sanga 26 nan na wuliko fələ la. O sanga de la, Mali musolaka Fatumata Jara taara ntola dasi Laginekaw ka jə kənə. Segennafijəbə waati tan ni duuru taali kera Mali ka se o kan. Waati filanan sanga 20 nan, Yaka-re Kulibali taara Mali ka kuru filanan dasi Laginekaw ka jə la. A kera fila ni fu ye ka taa Mali kanu na. Awa, ko ma kuncə o kan dərə, bari-sa sanga tan ni saba dərən ka kən ntolatan kunceli jə, Basira Ture taara Mali ka kuru sabanan dasi Lagine jə la, ka se ke kuru saba ni fu ye ! O kera sanga 32 nan na.

Kabi Afriki musolaka ntolatantōnw ka kunben in sigira sen kan, a



tanko duuru temenen bēe yalonba-ga kera Nizeriya musolakatōn ye. Nin yā tanko wəərənan ye min bəna ke san 2008 nowanburukalo la, Mali musolakaw fana bəna ye min kene kan, i nā fə jamana tan ni wəərə were. Yali Mali musolakaw bəna cəlakaw ka kupudafriki mənebə an na wa min tanna Gana jamana kənə ? O te ko kebali ye dərə. Dusuko dərən don ! Furancə jan bən ni nawanburukalo ce. An ka musokakaw ka degekaraməgə bē se kə ka setigiya waleya labən w bēe ke a ferəma.

Mali ni Lagine ka nəgənləsərə kəmasegin kene in kan, an ye məgə lasərə min sənna kə hakilinata dən ma, nō ye Burama Jakite, ye nō ye jagokela ye Madina kura sugu kənə. Burama Jakite ko an ye :

"Jigiyaba bē ne kəni na kəfə ntolatankupu də jəsinni ma Mali ma jinan san 2008 ! Kabi Mali yā ka yəremahərənya ta, k'ā bə "kupu kabarali" la min ntolatanw kərən yere bara yan san 1990, ntola təgəla kunnawolo fən o fən sərəla Malidenw fə, sennantolatan fara bololantolatan kan, musolakaw de yō lase an ma. O kosən, ne bē se kə fə ko jinan, Mali musolakaw bəna kə kupu in yalonbagaw ye ka Nizeriya musolakaw bali a yalonni na sijə wəərə ka tugu nəgən na" !

Burama Jakite ka wasakuma in bē dayərə sərə an dusu la dərə, ka d'a kan ce min bē farikoloniensetigida kunna, n'o ye Hamani Jlangi ye, siga t'an na, a bəna a seko bēe fara nəgən kan walasa ka musolakaw bila san 2008 kupudafriki wasa sərəli lahala kənə.


Tumani Yalam Sidibe

San 2008 marisikalo tile 8 don, Senegali ntolatanku tənba jəmaa-ba yā ka bolobəbaarala səben lase Senegali jamana jəmaaw ma. Nbayi Dəyi, ale min ko don, yā jira a ka baarabila, jəyərə bilasəben, kənə ko : "Senegalikaw yōlu sugandi de ntolatantōn jəmaaya kanma walasa ka ntolatan ka jətaa sankərətə Senegali. Fen min y'u ka cədenw ka jəyərəfabalya ye san 2008 kupudafriki kene kan (cəlakaw ta) Gana, o t'a to olu ka to an jəyərə la. Aa ! Misali juman dərə ! Mali federasiyə jəmaaw kə ko lajə dərə !

An yere bara yan fana kəni bere dara ntolatan tigilaməgə də kun ka ban, nō bolo bəli ye baara la. N kan bē bənkamalenw ka degekaraməgə Zan faransuwa Zodari de ma. Nka, Yali a jangibaga ka kan ka dan ale kelen ma wa ? Bə kəni ka fejen yərə min a bē tige yen de, hali ni bo fan bēe ye fen nəgəlen ye !


Tumani Yalam Sidibe

Falato Kaniba Ka sananminjitaga (tigeda filanan)



Falatō Mamari ka maana (bəko fələ)

Nin kera dugu də la, n'o ye ngalamabugu ye. Dugu in kənə, cə də tun bə yen ko fa Mamuru. Muso kelen tun bə fa Mamuru fe min təgə tun ye ko : Nafasa. O Nafasa o ye san caman ke fa Mamuru kā furu la, o ma den sərə. Komi fa Mamuru ma den sərə Nafasa fe, O kosən a ye müso were furu ka fara Nafasa kan. O muso filanan təgə tun ye ko Sirafin. O Sirafin de nana to fa Mamuru ka furu la, fo ka na lajo kənə na. Sirafin kənə selen kalo duuru la minke, o nin fa Mamuru ka saya benna. Kow tora o cogo la ten, fo Sirafin nana bange denke la. Ala y'a ke Sirafin fana tora bangeli degun na. Sirafin denkenin təgə dara ko Mamadi. Mamadi y'a ka dijenatige ke a mamuso bolo ten fo ka na se a san kənəntən ma. O san fana benna mamuso ka saya ma. O kelen de sa, Mamadi dira a ba sinamuso Nafasa ma. Nafasa tun ye muso ye min tun bə keleya kosebe kā sababu ke denko ye. Wa, a ta tun ye juguya danmatemē ye fana. Nafasa tun bə Mamadi bila ka taa foro la sogoma. Ni fitiri tun ma se, n'o ye foro tagalan segin tuma ye so, a tun te dumuni bila ka taa di Mamadi ma foro la. Mamadi tun mana bə foro la ka na so, ni su tun kora, Nafasa tun te sən a ka tā da bon kənə. Mamadi tun bə deben fenseñ de sagaw ka ga kərə



k'a da yen ka sunəgə. Səgen nana bonya Mamadi ma fo k'a danmatemē. O la, Mamadi bolila ka bə Ngalamabugu kənə. Ka taa don misigen baara la dugu were kənə. Mamadi tun bə fula cekərəba də de ka misiw gen. O fula cekərəba in tun ye muso saba furu. Nka, muso ninnu si də la kelen tun ma den sərə cekərəba in ye. O bee la nafo-lo tun bə bolo ka caya, sanu tun bə bolo ka caya, aw'a ka misiw ta tun ye caya dan ye. Nka, su fara tile kan, cekərəba in tun bə hami denko la.

Mamadi məena fula cekərəba ka misiw gənni na, a bə dumuni ke o bara, ka si yen. Don də sogoma, Mamadi taara ni misiw ye kungo kənə, k'u ladumuni. U selen kungo

kənə, Mamadi ye misiw to dumuni na ka don nzabantu kərə k'a bə banakətaa ke. K'a to banakətaa la, minijan belebele də bəra nzabansun sanfe k'a yere fili ka na ton Mamadi senkərə, ko : "paaa !" Mamadi jatigəko jugu girinna ka wuli k'a bə boli dərən, minijan in kumana a fe. A ko a ma ko : "Mamadi, i kana boli. Ne te sa gansan ye. Wa ne tena i dun fana. Ne ye jine de ye. I kana siran. Ne nana i ma ni cikan de ye, n'o y'i ka dijenatige sababu numan də ye. I bə cəkərəba min ka jigiya kənə..."

(A tə bə bəko nata kənə)

Amadu Jakite
Jekabaara nəgen kəla

Jekabaara

Labəlikuntigi Seben nekulü kuntigui
Tumani Yalam Sidibe
Seben nekulü
Yusufu Fane
Bakari Sangare
Tumani Yalam Sidibe
Jlegew kebagga
Amadu Jakite
Nataliye dilanbagga
Modibo Sidibe
Jaw tabaga
Haruna Trawele
Labenbagaw oridinateri la
Madamu Jakite Worokiyatu So
Fatumata Cero
Madamu Ture Mama Jalo
Baarake nəgenw
CMDTSNV - Ofisi Nizeri -
Ofisi iri - OHVN
Hake bəta : 16000
Batakisira : 2043
Nəqejurusira : 229 62 89
Jamana baaarada - Seki zayedı təgjola
sira - Hamudalayi kin - Bamakəsiti -
Webu nəmə
www.afribone.net.ml/jekabaara/

**Walasa k'aw ka dənniya labarika an baarakanw na, a ye aw wasa
don jamana gafew la an ka fasokanw la**

